



WIJINAKIINDIWIN

Digwaagig Akiin kweshkodaadiwin

Aanii, Miigwech kina gaa wiidookaazijig Digwaagig Akiin Kweshkodaadiwn owi gaa tegin kina AES digwaapkaazad Binaakwi Giizis miinwaa Baashkaakodin Giizis, Niizhing Mdaaswaak shi Niizhtana shi Naanan.

Ntam giizhigad kweshkodaading Akiin kweshkodaadiwin giitemgad zhisewin gonda Akiin Akinoomaagewin Maawndoobwin e'wiidibamgejig wii dibaatomowaad Akiin e'webendaakin, aanji ginawaabijigaadek Akiin zhibiigan kendimookiwin gaa maawndoosijigaadek oodi Ensa ngoboon E'kinoomaagaazad Ndakenjigewin. Maatookiing nawewin waa gaanjidagaadek miinwaa gwoshime geyaabi ge zhichigengba owi nji wii aanjibiigaadek gwekinankiwin.

gonda Akiin Akinoomaagewin Maawndoobwinewiibangejig gii wiijiigaazok oodi nemdabijig Akinoomaadiwin Gimaakaaning miinwaa wiijinakiimaawaan akiin gaataaying Akinoomaage Naagaandabijig. Maamwi, e'wiibaamgejig Akinoomadiwn Gimaakaaning miinwaa wiijinakiimaawaan Akiing Akinoomaagewin Maawndoobwin. Maamwiziwaad, gonda maawndooziwaad gii waabdanaa'aa wii waankiyendaagwak zhichigewinan weweni wii dibaajimataadiwaad Akiing Akinoomaagewin Maawndoobwin miinwaa Ntam Anishinaabe Akiin. Gonda maawndooziwaad weweni gii ginoowaabdaanaa'aa zhichigewinan miinwaa aasigaabwiitaagewin e'tegin wii miikigaadek owi pkaanenjigaazad Anishinaabe miinwaa gii maatookiinaawaa waa nankiwaad Niizhing Mdwaaswaak shi Niizhtana shi Naanan- Niizhing mdwaaswaak shi Niizhtana shi Ngodwaaswi Akinoomaagewin Ngwaboon wii aasigaabwiitowaad Anishinaabe e'kinoomaagizijig

Owi kendimookiwin oodi gii Digwaagig Akiisan Kweshkodaadiwin wii maatookiinaawaa oodi Akiisan AkinoomaagiziwinMaawndoobwin miinwaa Wiijinakiindiwin Akinoomaadiwin Bezhiwendimowin Maawndoobwin, naasaap •Geyaabi shpikendimowin kenjigewin miinwaa shkibiboon ndakenjigewinan

- Geyaabi shpikendimowin kenjigewin miinwaa shkibiboon ndakenjigewinan
- Kina aanji ndakenjigewin shpikendimowin kenjigewin kendimookiwin miinwaa nikeyaa ezhi maajiishkaamgak
- E' mzaneginikaazad Nawewin akinoomaaged, shki aangizhechigan miinwaa mjimenjigewin
- Aasigaabwiitaagewin zhiyaawin ezhikenjigeng miinwaa waazhi miikigaadek pkaanenjigaazad Anishinaabe

Gonda KEB niigaanaamdaanaa'aa wii wiijinakiimaawaad waa wiidookaagejig Ntam Anishinaabe Kiin miinwaa wii wiijinakiimaawaan akiin gaataaying Akinoomaage Naagaandabijig wii nakiitowaad gaa dibaachigaadek enidigwaagig gii kweshkoowaad gaataa-kiin



WIJINAKIINDIWIN ZHISEWINAN

Mjimenjiganing aa'aanke dinaangidooniwin Rylee Restoule- Baaskaakodin Giizis, Mdaaswi shi Nshwaaswi, Niizhing Mdaaswaak shi Niizhtana shi Naanan

Kweji akinoomaagizidaa Tammy Naponse Baaskaakodin Giizis, Niizhtana, Niizhing Mdaaswaak shi Niizhtana shi Naanan

Nawewin akinoomaagewin Negijitood kenjigewin gaataabing Baaskaakodin Giizis, Mdaaswi, Niizhing Mdaaswaak shi Niizhtana shi Naanan

Kweji Akinoomaagizidaa Nicole Van Stone Baashkaakodin Giizis, Nswi, Niizhing Mdaaswaak shi Niizhtana shi Naanan

Aanji sadowendijigaadek Anishinaabe nendimowin ezhinakiimigak Grant Bruno Binaakwi Giizis, Nsimdana, Niizhing Mdaaswaak shi Nsimdana

KEB Akinoomaagewin Maawnjidiwin Binaakwi Giizis, Niizhtana shi Ngwadwaaswi, Niizhing mdaaswaak, shi Niizhtana shi Naanan

Mjimenjiganing aa'aanke dibaajimowin Tyler Moody Binaakwi Giizis, Niizhtana shi Nshwaaswi, Niizhing Mdaaswaak shi Niizhtana shi Naanan

Wii maashko zhigaaziwaad waa mskowendimajig e'kinoomaagizijig: Aanji mkwenjigaadek Akinomaage Giizhigadoon weweni noojimowin nimaawndoosek Dr. Chris Musquash Binaakwi Giizis, Niizhtana shi Nswi, Niizhing mdaaswaak, shi Niizhtana shi Naanan

Wii miikigaadek Anishinaabeg pkaanenjigaazawaad Randi Ray Binaakwi Giizis, Niizhtana shi Bezhiig, Niizhing mdaaswaak, shi niizhtana shi Naanan

Nawewin negijitood E'kinoomaaged akinoomaagiziwin gaataadibing: Nsawaakimok Binaakwi Giizis, Niizhtana, Niizhing Mdaaswaak, shi Niizhtana shi Naanan

Nawewin negijitood E'kinoomaaged akinoomaagiziwin gaataadibing: Nimkii Wiikwedong Binaakwi Giizis, Mdaaswi shi Naanan, Niizhing mdaaswaak, shi niizhtana shi Naanan

Nawewin negijitood E'kinoomaaged akinoomaagiziwin gaataadibing: Thamesville Binaakwi Giizis, Mdaaswi, Niizhing mdaaswaak, shi Niizhtana shi Naanan

Kweji Akinoomaagizidaa Deborah McGregor Binaakwi Giizis, Mdaaswi, Niizhing Mdaaswaak, shi Niizhtana shi Naanan

Digwaagig Akiisan Nkweshkodaadiwn

- o Binaakwi Giizis, Mdaaswi shi Naanan-Mdaaswi shi Ngodwaaswi, Niizhing mdaaswaak, shi Niizhtana shi Naanan Akiins eko Niizh
- o Binaakwi Giizis, Niizhtana shi Niizh-Niizhtana shi Nswi, Niizhing mdaaswaak, shi Niizhtana shi Naanan Akiins eko Nswi
- o Binaakwi Giizis, Niizhtana shi Zhaangswi-Nsimdana, Niizhing mdaaswaak, shi Niizhtana shi Naanan Akiins Bezhiig
- o Binaakwi Giizis, Naanan - Ngodwaaswi, Niizhing Mdaaswaak, shi Niizhtana shi Naanan

NINIGAAN NAABING

Minokimig Akiisan Nkweshkodaadiwanan:

- REC Niiwin: Boopogame Giizis Niizhtana shi Niizhwaaswi, Niizhing Mdaaswaak shi Niizhtana shi Ngodwaaswi
- REC Nswi: Boopogame Giizis Mdaaswi shi Nswi, Niizhing Mdaaswaak shi Niizhtana shi Ngodwaaswi
- REC Niizh: Boopogame Giizis Niizhtana, Niizhing Mdaaswaak shi Niizhtana shi Ngodwaaswi
- REC Bezhiig: Boopogame Giizis, Niizhwaaswi, Niizhing Mdaaswaak shi Niizhtana shi Ngodwaaswi

- Eko Nizhing biboon Akinoomaagewin oodi KEB Mjimenjiganing eko Niizhing shpi akinoomaagiziwin wii maaji bigidinaanaa'aa A, B miinwaa C Ojibwe miinwaa A oodi Lunape-Makwa Giizis, Niizh, Niizhing Mdaaswaak, shi Niizhtana shi Ngodwaaswi
- Niigaan Gidizhaami Maamwi Kweshkodaadiwin Boopogame Giizis Niizh, Niizhing Mdaaswaak, shi Niizhtana shi Ngodwaaswi



AKIINSAN SHKEWIZOWINAN:

Maamwi Wijinaakiindiwin Mshkosijigemgad Anishinaabemang Akinoomaading oodi Akiins eko Niiwing


Mshko akinowaabijigan owi Maamwi Wijinaakiindiwin Mshkosijigemgad Anishinaabemang Akinoomaading oodi Akiins eko Niiwing bimookshkaamgad oodi Anishinaabeg Akinoomaagiziwin Mamiwiziwin(AES), gii wijinaakiimaawaan gii naabiisidowaad wii dabiigaadek zhooniyaa miinwaa wii ngajtoodwaad Akinoomaagiziwin. Maanda akinowaabijigan gii zhi ginoowaabjigade shkewizowin oodi Negijitoojig Akinoomaagizijig Gaataadibwin owi nji Anishinaabe Nawewin E'kinoomaagejig, pii jitsek Baashkaakodin Giizis, Mdaaswi, Niizhing Mdaaswaak shi Niizhtana shi Naanan, oodi Simcoe County Akiins Akinoomaagiziwin maawndoobwaad zhibiigegamig oodi Midhurst, Ontario

Maanda Akinoomaagiziwin Gaataadibing gii bagamshkaa wii wijinkiindiwaad Ogemawahj Tribal Council(OTC) , Akinoomaagewin Gimaakaan-Anishinaabe Akinoomgewin Zhibiigegamig SCDSB, Lambton Kent akiin gaataaying Akinoomaage Naagaandabijig (LKDSB) miinwaa Anishinaabeg Akinoomaagiziwin Mamiwiziwin(AES), Maamwi e'wiiinakiindwaad gii maamwi maatookiikwok nakaziwinan, Ezhi-kendaaswaad miinwaa niigaaniwin wii aasigaabwiitowaad Anishinaabe Nawewin E'kinoomaagejig kina gaataakiinsan

Gwoshime Niimdana gii biwidookaazok, aanin gii binjibaawok Nelson Solutions, Georgian College Akwesasne Freedom School miinwa maanpii enjigaajig E'gitizijig. Maanda Mawnjidiwin gii temgad, gii diwisin dibishko Zhiyaawin owi nji E'kinoomaagejig wii kendiwaad, maatookiwaad Akinoomaage nakinigewaanhsan miinwaa wii mshkosidoowaad waa zhi aabizitowaad Nawewin nankiiwin

Maanda gaa zhimaajikigaadek zhaazhoowaach dibishkoyaawin miinwaa mnadendijigewin wijinaakinidiwn ginoowaabijigan. Maamwizing naagidowenjigaadek wii ndabiigeng zhooniyaa miinwaa waa zhi sawenigaadek gii mshkosemgad ezhi wiiji minawaanding Anishinaabe Ekinoomaagejig nankiiwinan, Akinoomaage Maawndoobwin miinwaa Gimaakaaning. Akinoomaabijigaadek wii mina wijinaakiinding wii gagwejtoong maamwi wii minadaapinaming miinwaa debwetaadiwin .

Owi Negijitoojig Akinoomaagiziwn E'gaataadibijig zhinoomaagewok ezhi maatookiing E'niigaaniikang miinwaa naabiisidoong enaakinigeng, daa giik-shkaamgad Anishinaabe Nawewin Abiziichigaadek miinwaa e'kinoomaagizid wii shkewizid. Ge aanji nakaazang akinowaabijigan, gdoow bigidingwan wii yaaman mshko zidekaajigan wii aasigaabwiitaagooyin wii wiiji naakiimad gwaya miinwaa debwenjigewin maajiishkaawin owi nji Anishinaabe Akinoomaagiziwin kina goji maanpii Ontario.





WORKING TOGETHER TO SUPPORT THE EDUCATIONAL JOURNEYS OF ANISHINABEK STUDENTS

The Multi-Year Action Plan is a three-year work plan supporting the implementation of the Master Education Agreement. The Journey Map visual illustrates the relationship between the Multi-Year Action Plan and the traditional Anishinabek governance Dodemaag system. Each project in the Multi-Year Action Plan plays a role within this system.

At the center of the visual, an infinite sweetgrass braid symbolizes the relationship between the Participating First Nations of the Anishinabek Education System, the Kinoomaadziwin Education Body, and the Ministry of Education. This relationship is the driving force behind the Master Education Agreement and the Multi-Year Action Plan. For students of the Anishinabek Education System, collaboration among these parties is integral to supporting their educational journeys and promoting their overall success and well-being.

To learn more about the 6 projects of the Multi-Year Action Plan, please click on the project titles or visit www.aes-keb.ca/MYAP

Relationships

Enhancing the collaboration among the parties to identify successful practices in education program and service delivery, promoting opportunities to foster family and community engagement, and continually developing the relationship between the Anishinabek Education System and Ontario.

Niigaan Gdizhaami Fund

The Niigaan Gdizhaami Fund supports and invests in community and joint projects and initiatives that are locally developed and advance the objectives of the Master Education Agreement.

Student Success & Wellness

The Master Education Agreement outlines a shared vision for student success and well-being, addressing physical, mental, emotional, and spiritual health. The project focuses on adapting and developing pathways and programs for student success and well-being that incorporate Anishinabek perspectives.

Special Education

The Special Education Program focuses on building and adapting existing guidelines, directives, and resources to address gaps and ensure alignment between the AES and the provincially funded education system. This is achieved through the development of culturally appropriate approaches, ongoing engagement, and collaborative professional development with partnering District School Boards.

Data, Research and Evaluation

Establishing processes to align standards, collaborate with all parties, and monitor Anishinabek student achievement through data, research, and evaluation.

Leadership & Professional Development

Professional development and leadership at all levels of the education system are foundational to student success and school effectiveness. This project works to develop collaborative learning opportunities that increase knowledge and understanding of bimaadziwin, kendaaswin, and the Anishinaabe language in Anishinabek First Nation and provincially funded schools.

Multi-Year Action Plan Journey Map Visual

TRADITIONAL ANISHINABEK GOVERNANCE CLAN SYSTEM

Grid of 7 clan descriptions: Turtle Clan (Law Makers), Loon Clan (Internal), Crane Clan (External), Deer Clan (Social), Bear Clan (Health), Eagle Clan (Education), Marten Clan (Economic Dev).



WEWENI DIBAAJIMOWIN KINA WIJI AKINOOMAAGEWINAN DEBWETAADIWN MAAWENDOOWIN

Eko Niiwing Dibaajimowin owi ekwaasek Minidoo Giizsoonhs, Nsimdana shi Bezbig, Niizhing Mdaaswaak shi Niizhtana shi Naanan

Wii Ngajtoong Nankiiwin

Ensa Binaakwi Giizis, JMEAC zhaabshkaatoon Wii Ningajtoong Nankiiwin nakinigewin maamnanaamjigaadek zhisewin wii bigidinamowaak Akinoomaagejig wii assigaabwiitowaad Anishinaabe Akinoomaagizijig. Owi naakinigewaanhs zhisin wii jwetaagemgak Akinoomaagewin e'webendaakin miinwaa aanke-akinoomaagiziwin gwedwewin Ekinoomaagegijig kina AES e'gwedwewaad

Kina eko niiwing dibaajimowin, niibina gii tenoon gaa mshkosegin maawnjidiwinan ninda gaa maanenjigemgak oodi akinoomaadiwn zhisijiganing, e'aasigaabwiitaagaazijig Akinoomaagenyik wii kendimowaad waa zhichigeyaad pii wiibwaa pkanenjigaazad Anishinaabe miinwaa wii megwewaad Anishinaabe enendang zhe'e Nendimowin Ezhinakiimgak, Baashkijeying Niizhwaaswaak shi naanimdana gii wiidookaazok pii negijitoojig kendimowin zhisewinan maanda eko Niiwing Ngwaboon dibaajimowin

Piinassh wii ekwaasek Akonoomaadiwin Biboon, Wii Ningajtoong Nankiiwin daa miikaan geyaabi e'webandakin zhaazhoowaach:

- Zidekaajiganan Kashkaadendimowin miinwaa Ezhimanjoong minayaawin
- Ezhigiigidang miinwaa Nawewin Shewizowin
- Geget Nakinigewinan: Weweni waa zhinaagidewenjigeng miinwaa Koowabijigeng
- Maamwi Akinoomaagewinan miinwaa Anishinaabe Kendimowin

Wii ningajtoong Akinoomaagewin zhisewinan kina gwaya daa nakaazan. Niibina gaa tegin negijitoong zhisewinan gii biindige'aatesenoon miidash sanjigwaning gi chigaadek miinwaa mooshkinaajigaadenoon Wasimooni Akinoomaagiziwin Kaan KEB bimiikaan, wii kwedweyin oiw nakaazan QR Code



**Virtual Learning Environment
Registration**

*"Mii owi mewnji
nishing kendimookiiwin
gaa bizindimaa
miinwaa gaa
waabdamaa chi
mewizha"*

Miikigaadek Anishinaabe Wiibwaa-Pkaanenjigaazad

Miikigaadek -Pkaanenjigewin Maawndoobwi digwabok gaa nigimaajig KEB, Ntam Anishinaabe Kaanan, Gimaakaan Akinoomaagiziwin, Anishinaabe Akinoomaage Zhibiigegamig miinwaa Akinoomaagiziwin ezhi Maatookiing miinwaa Gimaakaan geget Zhibiigegamig. E'maawndoobijig aasigaabwiitaanaawaa ningajtoong miinwaa nakinigeng zhisewinan wii mshkogaabwiitooong nakinigeiwn wii miikigaadek Pkaanenjigewin, shkewizowinan eshkiniigijig wii negaaniwiwdowaad miinwaa gwekisajigaadek minawaangoondiwin Ntam Anishinaabe Kaanan miinwaa Gaataa-kiinsan Maawndoobwinan, Gaanjidaanaa'aa Maawndoobwin miinwaa wewni ginoowaabdaanaa'aa owi nakaazang waasimonaabiing Pkaanenjigewin Baataaying Nakaaziwin.

Maanda eko Niiwing Biboon, mooshkin nankiiwinan miinwaa zhichigewinan gii nsadowaabdaanaa'aa owi Baataaying Pkaanenjigewin Nakaaziwin gii maatookiim ensa kweshkodaading enidigwaagig Gaataa-kiin Kweshkodaadiwin, Entam-gaabwijig gaa zhikenjigeng akinoomaagegamgoong memdige gii dibaachigaade zhichigewinan epiichi pkwenjigaadek wiibwaa-pkaanenjigaazad Anishinaabe wii nii aabijibidek baataaying Akinoomaagegamgoong. Miinwaa aankaaj emawndoodijig gii miikaanaa'aa ekinoomaagenhyik maamwi dibaajimowin kendimookiiwin Binaakwi Giizis Niizhtana shi Bezbig wii maatookiwaad geget zhichigewinan wii nashkwetoowaad miinwaa pkaanenjigewin.

Niigaan Zhaang, gonda maawndoobwin dani-aabijiikaanaa'aa Baataaying Pkaanenjigewin Nakaaziwin miinwaa aasigaabwiitowaan eshkiniigijig miinwaa ekinoomaagejig wii nashkwetoowaad wiibwaa pkaanenjigaazad Anishinaabe

Geyaabi wii kendiman Baataaying Pkaanenjigewin Nakaaziwin maage wii niindaayin dibaajimowin boozibiigen: <https://aes-keb.com/addressingracism/>



AES Reporting Racism Tool